

No part of the candidate evidence in this exemplar material may be presented in an external assessment for the New Zealand Scholarship award.

S

93009



930090

SUPERVISOR'S USE ONLY

TOP SCHOLAR



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

**QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!**

Tohua mai i te pouaka nei
ki te KORE koe e tuhi ana
i tēnei pukapuka



Te Hiranga 2022 Te Reo Rangatira

Te wā: E toru hōra
Te Tāpeke: 24

Tirohia mēnā e rite ana te Tau Ākonga ā-Motu (NSN) kei runga i tō puka whakauru ki te tau o runga ake o tēnei whārangi.

E RUA ngā wāhanga o tēnei whakamātautau. E RUA ngā tūmahi mō ia wāhanga:

TE WĀHANGA TUATAHI: Pānui – Tuhituhi (2 hōra)

TE WĀHANGA TUARUA: Whakarongo – Kōrero (1 hōra)

Whakautua ngā pātai KATOA ki ngā wāhi wātea kua whakaritea. Me reo Māori ngā whakautu katoa.

Mēnā ka hiahia whārangi atu anō hei tuhituhi i ō whakautu, whakamahia ngā whārangi wātea kei muri o tēnei pukapuka.

Tirohia mēnā e tika ana te raupapatanga o ngā whārangi 2–24, kei roto i tēnei puka, ka mutu, kāore tētahi o aua whārangi i te takoto kau.

Kaua e tuhi i te wāhi o te kauruku-whakahāngai (✂). Ka tapahia pea tēnei wāhi i te wā ka mākahia tēnei pukapuka.

ME HOATU TE PUKAPUKA NEI KI TE KAIWHAKAHAERE Ā TE MUTUNGA O TE WHAKAMĀTAUTAU.

HE KUPU WHAKATAKI

Tēnā koe kua uru mai nei ki te whakamātautau a Te Hiranga Te Reo Rangatira mō tēnei tau 2022. He whakamātautau mā te tauira e ako ana i te reo rangatira, ā, e mārama ana ki te whakamahi pūkenga reo torohū, pūkenga reo whakaputa hoki o ngā wāhanga katoa o te whakamātautau nei, me kaha mai te tauira ki te:

- tātari, te arohaehae rānei i ngā kaupapa
- whakaputa whakaaro motuhake, whakaaro kē hoki
- whakatakoto taunakitanga
- kōtuitui i ngā mōhiotanga.

Nā reira:

- āta pānuihia ngā kōrero tohutohu i mua i te mahi
- kia kaha mai ki te whakaoti i ngā pātai katoa
- me reo Māori ngā whakautu katoa
- e rima meneti hei pānui i te whakamātautau katoa.

Ko te reo kia tika, ko te reo kia rere, ko te reo kia Māori.

TE WĀHANGA TUATAHI: PĀNUI – TUHITUHI

E RUA ngā tūmahi mō tēnei wāhanga:

TŪMAHI TUATAHI: HE pānui (60 meneti)

Pānuihia te tuhinga nei: *He Poroporoāki ki a Te Rere Amoamo*
Kātahi ka whakautua ngā pātai KATOA.

TŪMAHI TUARUA: HE tuhituhi (60 meneti)

Tīpakohia TĒTAHI kaupapa hei tuhinga roa māu, ā, kia kaua e iti iho i te **500 ngā kupu**.

TŪMAHI TUATAHI: He pānui

Pānuihia te tuhinga nei.

He Poroporoāki ki a Te Rere Amoamo (Monte) Ohia

Nā Te Wharehuia Milroy

I whakaeke a Te Wharehuia i te ope i tae atu ki runga i te marae o Waikawa i te taha o Te Rere Amoamo, arā o Monte Ohia. I haria mai te tūpāpaku ki Ōtautahi ki te marae o tana wahine. Ka tū atu ai a Te Wharehuia me tana poroporoāki e whai ake nei.

Ngā kāwai ariki kua tae mai nei ki te whare kāhui ariki, tēnā koutou, tēnā koutou, tēnā koutou ki roto i tēnei te hāora o ō tātau pouritanga.

Tuarua, ka mihi ake, ki a tātau katoa. Tātau e kao mai nei i waho i tō tātau marae i runga i te reo karanga o te tangata nei, kotahi tonu te kaupapa i whāiti mai ai tātau ki roto i tō tātau whare, ā, koia tēnei, e takoto ake nei.

Tuatoru, ki a koutou te hunga nā koutou i taki mai tō tātau mate, mai i roto i Waitaha, ā, tatū noa mai nei ki konei, tēnā koutou i roto i ngāwhakaritenga o te wā. Tēnā koutou i takahi mai nei i te nuku o te whenua, kia tatū mai nei koutou ki roto ki tēnei, tō tātau marae, kia noho tahi ai tātau, kia kōrerotia e tātau, kia tangihia e tātau te āhua o te tangata e takoto ake nei.

E whakateurunga te moenga te whāriki huaranga tonu atu ki Rūāmoa, aku tīpuna e kiia mai nei, he tūtūa, he tautauhea, he moenga raukawakawa. Nukunukutia ai te tangata ki tahaki kia wātea he nohoanga mō te tangata tiketike, kumekume mātāwaka ki runga i te marae kia tangi te pīpī i runga i te rangi, ū ē! Auē! Tihei mauriora!

Te Rere Amoamo, kātahi anō nei ka rongu i tēnei ingoa ātaahua ōu. Kia mate rawa koe, kātahi anō ka whakaputaina te ingoa nei me te pātai i roto i a au, 'He aha koei huna ai i tēnei ingoa?' I te mea, kai roto e takoto ana ngā whakamāramatanga e kōrerotia ake nei e ngā kaikōrero i te pō nei, ngā āhutatanga katoa o te ao i takahia ai e koe i roto i tōu wā.

Nō reira, Te Rere Amoamo, ko koe te waka whakarei kua pae ki uta, anā, kua tae mai koe i tēnei pō ki roto i te poho o te whare nei o Arapāoa. Nō reira, kōrerotia ake nei te āhua ki a koe. Te kōtuku noho awa kua rere, te hai māpuna kua riro tītapu, te whare kōrero o tō iwi o Ngāti Pūkenga – kua wahangū, kua kī kore, kua taringa turi.

Te Rere Amoamo, ānei e kōrerotia ake nei te āhua ki ngā mahi i mahia ai e koe.

Te kaupapa o tēnei mea o te mātauranga i uru koe ki ngā whare wānanga katoa. E tāea te kī, ko tēnei motu, nāu i whāwhā ngā take o roto i ērā whare wānanga. Nō tēnei whare wānanga e takoto ake nei koe, ka waiho koe i ngā kōrero mā ētahi kē e kōrero. Koinei, anake te whare wānanga e whakatutukihia ai e koe i roto i te anu, i te mātaotao. Kāore i whakatutukihia e koe i roto i te āhua o te kirimaha, engari nā tēnei kātahi anō ka kitea. Ānei e tau ake nei, ngā hunga kua haere mai, ki te whai mai i tō reo i puhaina ai e koe, te hā whakamutunga o roto o tō tinana.

Nā reira, Te Rere Amoamo, kua riua koe i te au o oti atu, ki whakangaro, ki te kāinga i karangahia mai ai koe e ō koroua, e ō kuia, ka whakarongo ake ki te āhua o ngā whakapapa e rārangihia ana e tō kaikōrero e Te Awanui. Ka tangi ake te ngākau i roto i a au, i te mea,

kai te whakarongo ake au, kia pēheatia e au? E kōrero ake ana ki te āhua o tō haerenga mai ki kōnei me ngā taukumekume i roto i ngā rā, engari, me pēnei te kōrero, hai whakautu i ētahi o ngā pātai a te rangatira o roto o Te Āti Awa nei. Kua oti te rārangi atu tō whakapapa mai i a Weka rāua ko Irakewa, ka taka mai ki a Toroa, ka moe i a Pūhounui ka puta ko Wairaka. Kātahi rā a Turi me tana iwi o roto o Taranaki, ka haere ake ki te Whare Wānanga o Mātaatua i roto o Whakatāne ko Tūpāpakurau te ingoa o te whare wānanga nei. Te haerenga ake ka haere mai te tangata nei ko Maiurenui te ingoa.

Te Rere Amoamo, kai te whaiwhai ake nei i ēnei kōrero nā te mea he wāhanga ki te āhua e takoto nei koe i konei. He wāhanga anō ki te āhua o te whakaaro kia whakahokia koe ki roto i te rohe o Mātaatua.

Te taenga mai o te Maiurenui nei ko te tangata pai ki te kōrero i ēnei kōrero nō inanahi tonu ne i mate ai, ā, ko te Hautūtūa. Mōhio kē ake ki te rūkahau i a au. Heoi anō, e taka te wā ka whakaaro te matua o Wairaka (e noho puhi ana a Wairaka) ka whakaaro te matua o Wairaka, ā, me tohu ai e ia he tāne māna. I te mea kua tatū mai he ope o roto o Te Āti Awa ki roto o Whakatāne. Te kaupapa i haere mai ai, ko ngā mahi o ērā wā he whakawhitiwhiti i ngā kōrero o roto i ngā whare wānanga o tērā wā. Pēnei anō i te tangata e takoto ake nei. Kia haere ai ki roto i ngā whare wānanga o tēnā wāhi, o tēnā wāhi, o tēnā wāhi ki te whāngai i te mātauranga ki te hunga e taringa areare atu ana. Heoi anō, ka tae mai ki roto o Whakatāne, ā, ka noho, ā, ka whakaae te wahine rā māna e tohu tana tāne (pēnei pea te āhua i a Pou nei – he ātaahua), engari ka tae mai a Maiurenui. E mōhio ana a Wairaka ko wai tana tāne e hiahia ana ia, nā reira, ka takoto mai te tangata rā ki tētahi taha o te whare, kai tētahi taha o te whare te Wairaka nei nā, kai te kopa iti. Kai korā ngā rangatira e noho ana, ā, ka noho mai te tāne, te tangata ātaahua, heoi anō, ko ngā taringa o Maiurenui kua rongo kē i te kōrero a Wairaka “Māku e tohu taku tāne, ki te rarapi ahau i te pāpāringa o taua tangata rā, ka kite koutou i ngā haehaetanga o ōku matimati ki runga ki tana pāpāringa.”

I tāua pō, ka kite atu te tangata rā a Maiurenui, kātahi ka ngōki atu i roto i te pōuri, ka kōrero atu ki te taringa o te tangata rā, “E hoa, tēnā koa ko au he āhua mātao nōku, ko au ki konā, ko koe ki korā.” Kāore te tangata rā e mōhio ana kai te tohua ia hai tāne mā Wairaka. Heoi anō, ao ake i te ata ka karangatia ngā iwi kia huihui ki waho, ka tū mai a Toroa ki te pānui i ana kōrero, ā, kātahi ka pānuitia, kua tohua e tana tamāhine tana tāne anei, te tohu, kua haehaetia te pāpāringa. Kātahi ka huri haere, ka kitea ko Te Āti Awa i toa. Kai reira, e mau ana te haenga a ngā ringa a ngā matimati o Wairaka.

Kaua e titiro ki te āhua o te kōrero, engari, kai te whaiwhai kē atu ki te wairua o ā tātau kōrero, e kōrero ake nei tātau i te pō nei, ki ngā whanaungatanga ki roto, ki waenganui i a tātau, ki ngā kaupapa i pēnei ai te āhua o tā tātau noho. Taihoa au whaiwhai ake ōku whakaaro nā te mea, he pātai āku engari waiho ērā mō muri, kia mutu taku poroporoāki ki tō tātau rangatira e takoto ake nei.

Tēnei tangata e kī ake nei ahau, i hīkoi ai i roto i ngā whare wānanga katoa. Ka hoki aku whakaaro ki te tau i tīmataria ai tētahi kaupapa e te rōpū o te Tohu Mātauranga o Aotearoa NZQA. Nā, he wāhanga Māori i roto i taua kaupapa rā, ana, ko te tangata nāna i whakatakoto taua kaupapa, anei, ko Te Rere Amoamo nei, kai konei anō a Te Rewa, kai konei a Trevor, engari koinei ngā tāngata i roto i tērā wā e kōrero ana i te kaupapa a te NZQA. Kai te hoki au ki ngā tau o te waru tekau, o tērā rautau i kōrerotia ai e Monte, i horapa ai tērā kaupapa ki te motu whānui.

Ko ngā ringaringa o te tangata nei, ko ngā kaitakitaki, ko ngā kaiārahi, i whakanohonohoia e ia he huihuinga tātanga hai mahi i aua mahi rā. Ko ia tēnei ko ngā whakaaro o te tangata nei, he tika ngā kōrero nei, kāore i pai ki a ia anake ngā kōrero, engari, i tiro whakawaho kē ki te iwi Māori me te whakaaro ake i roto i a ia, kia kitea e ia he oranga tangata. Ka whāia e ia ko taua kaupapa rā. I roto noa anō i ngā tau poto kua mahue ake nei, ka whakatūria mai anō e ia tētahi kaupapa i roto, anei, o Waitaha. Ka noho ko ia te kaumātua o roto o tērā o ngā whare wānanga, engari ka whakatūria e ia he rōpū. He mea whakakao mai e ia mō ngā tōpito o ngā motu nei, hai kōrero i ētahi āhuatanga e tāea ai te whakaaro ake, hai tautoko i ngā iwi Māori kai roto o Te Waipounamu e noho ana. Ko ia tēnei ko te āhua o te tangata kāore i mutu noa mai ki reira. Anei e kōrerohia ake nei e Ngāti Pūkenga te āhua ki tō rātau tangata. Nā reira **Monte**, te ingoa e matatau rā ana te nuinga, he aha he kōrero? Mēnā e tāea ana e au te haere te whaiwhai i te tangata i a Aituā, ka haere au kia riro māku tonu hai kōwhaki i tana kauae. Ka pātai atu au ki a ia, he aha i pēnētia ai mātau te iwi Māori e koe? E hāua nei mātau e koe, te tāhuri kē ai ki ētahi iwi kē. Engari, ko te iwi Māori ko mātau ēnei e tākirikiritia nei e tō ringa. Koinei te aroha o ngā mea tonu o roto o te ao Māori. E mōhio ana anō tātau he tangata e tāea ana te ārahi i a tātau, koinei tonu ngā mea e huti ana i te ringa kaha o Aituā. Nā reira, koinei ngā tangi ake, ā, me pēnei te kōrero, tō mate he mate whakaiwikore tangata. Pēnei anō i a Hohepa nei, ka rongo ahau kua hinga a **Monte** ko tōku whakaaro ko tō matua. Ka rua, ka toru aku uiui ki te tangata, kia mātau au e tika ana tērā kōrero, kua kōrerotia mai, e, ko koe kē tēnā kua tiraha nei. Nā reira, koinā ka kī ake au e whakaiwikore ana i te tangata, he whakahaehae i te whakaaro, he whakamatakerekere i te hinengaro, e kore e tāea e au ētahi whakaaro tūturu te whakanoho, engari e rere āmio kē ana ngā whakaaro. Koia ngā āhuatanga ka pā mai ki te motu nei i tēnei wā, koinei e kite ake nei tātau katoa, ka tere rāoa, ka tere pīpī whakaō te motu ki runga i te tangata nei.

Nō reira **Monte**, ka hoki au ki ngā kōrero i pātaihia, mā wai e whakaara te iwi ka hē? Koinei te āhua kua mahue i te Pāti Māori i ngākaunui nei koe ki te whai. I ngākaunui ai kia uru atu koe ki roto, kia pai ai tō whakapuaki ki te aroaro o te Whare Pāremata i ngā mate e whakawhiu ana ki runga i te iwi Māori. Ahakoa kai reira o tangata, a Te Ururoa, a Hone, a Tariana, a Pita. He aha ia te hē o tētahi atu waha ki te taha i o rātau kia tuaruatia ai te whakaaro? Koinei te āhua o tō mate, ka pai koe ki runga i te marae nei ka kite i ngā kara ki runga i ngā waka e iri ana. Ka kapakapa te ngākau. E kapakapa ana nō te mea, ahakoa kua riro koe engari ko te wairua kai te ora tonu. Nā reira, haere Ngāti Pūkenga, te taonga a tō iwi ki te motu nei, ahakoa nō te waka o Mātāatua, ka kōrero au i tērā kōrero, nā Ngāti Pūkenga te tangata nei i tono ki ngā wahi e ngoikore ana te iwi Māori. Nā reira, takahia atu te ara maioha, mai rā i o matua i o tīpuna ki a koe. Takahia atu ngā tapuwae o matua o tīpuna, kua tūhia o tapuwae ki ngā one o te pae o maumahara. E kore e wareware, e kore e wareware te hunga e ora nā i tēnei wā.

Nō reira, e tō mātau hoa, e te tangata i whakatūria ai hai pou matua i roto o Waitaha, me aha rā mātau ināianei? Nō reira haere koe, haere ki o matua, ki o tīpuna. Ā kāti ake, ki a koe Te Rere Amoamo, ki te whānau pani kai te mōhio koutou katoa ki te āhua o tēnei mea te mate te kākahu taratara kua ūhia ki runga i a koutou. Ehara koutou i te whānau wehewehe, he whānau piri koutou, pēnei anō i te kōrero ā te tangata, koinei te wā e kitea ai e huihuinga o Matariki e huihui nei tātau i roto i tēnei wā. Koia tēnei ko tātau kua tae mai ki te tauawhi i ngā whakaaro kai roto i tēnā, i tēnā, i tēnā, e aroha ana ki te tangata nei, nā reira, ko koutou, ko te whānau, whakaarohia ake tēnei kōrero: ko te ata o te piri tēnei i haere mai i te anu

mātao hai hahau i te tangata, anei e kōrerotia ake nei ngā mate tūātini o tērā whaitua, o tēnā marae, o tēnā kāinga. Nā reira, ki a koutou, kia kaha koutou i tēnei wā, Watson, Bentham, Te Kowhai, e Hone, e aroha ake ana ki a koe e noho mai nei, koutou o te whānau nei, e aroha ana nō te mea i kī ake nei au kāore kē tātau e mōhio ka tau te ringa o aituā ki hea i roto i te wā poto noa iho nō reira, kai te ngāpu tonu te whenua, kai te ngāpu tonu te whenua. Ā koinei te tohu o tēnei mea o te tangata rongonui i takahia ai te whenua e te tini e te mano. Koutou o te kirimate o te whare mate, tēnā koutou ngā puna roimata te hunga e whakarite ana i te wāhi i te takoto o te tangata nei, āe, awhitia, whakamahanatia kia ngaro rawa i te tirohanga kanohi.

E te pae, tēnā koutou e hui mai nei. Ka hoki ngā whakaaro, kia hoki ake au ki te āhua o tō kōrero o Takere rāua ko Mumuhau. Nā tētahi o ngā kaupapa i haere mai ai, tō koutou rangatira a Turi ki roto o Mātaatua he whakawhitiwhiti whakaaro. E kī ana a Mātaatua, kai te mōhio ake, he kōrero anō tā Tainui, engari e kī ana a Mātaatua i poua te mauri o Mumuhau rāua ko Takeretua ngā manu nā rātau i arahi mai i ngā waka nei.

Hei whakaoti atu i aku kōrero, he whakaaro tēnei, Bentham, Watson, ki a tātau katoa. Kāore i te hoki ki te whakawā i te āhua o ngā kōrero i whakatakotoria ai e koutou mō te tangata nei, engari e hoki kē ana ki te āhua o ngā tikanga kai te tuitui i a tātau katoa. Kua tae pea tēnei ki te wā hai āta noho mā tātau, mā ngā iwi hai whakawhitiwhiti whakaaro ki runga i ō tātau mate. I roto i ngā rā poto ka taha atu nei e kōrerotia ana te āhua ki te iwi o te Ūpokorehe me ōna mate i raru ai. Ehara i te mea i whāiti kē ana ki a rātau, engari kua tīmata tēnei āhua me te pātai ko tēhea te huarahi hai whainga mā tātau. Ko tēhea te huarahi e tika ana hai whakatakoto mā tātau, inā hoki, ki tōku mōhio mēnā i kōtia te pito ki wāhi kē ka hoki ki reira. Tuarua, kāore i te whānau te tikanga, engari kai te hapū kē. Tuatoru, kua tae mai tātau ki te ao hurihuri nei, ko te kimi kē i tētahi huarahi, e kore ai e tino tiwekaweke te āhua o ngā whakaaro, engari ka kitea tētahi huarahi e rarata ana ki te katoa.

Heoi anō e koa ana te ngākau, i tū ake a Te Awanui ki te whakapuaki i ōnā whakaaro. Koinei ō mātau tūākana, kāore hoki i puta i a ia tērā wāhanga o tō mātau whakapapa i a rāua tahi ko Joe. He wāhi iti noa iho hai whakaoti ake i aku kōrero ka moe a Iraweka i a Weka ka puta ko te Toroa nei, ka moe i a Puhounui kia puta ko Wairaka, ka moe i a Maiurenui ka puta ko Tamatea-ki-te-huatahi. Ka moe i a Paewhiti, e whā ngā tamariki ko Ueimua kai Whakatāne e noho ana, ko Tāne-moe-ahi ka moe i tana wahine i a Hiwarau. Anei kia puta ko Pūkenga nāna ko Whetū, anei, te kāinga o te tangata nei. Heoi anō, kai te kite mai koutou hai tūākana ēnei ki a mātau. Nā Tāne-moe-ahi nō muri mai ko Tūhoe Pōtiki nō muri i a Tūhoe Pōtiki, ko tō rātau tuahine ko Uenukurauri, nā reira koinei te noho o te waka nei i tēnei wā i runga i te karangatanga o te tūākana, o te tāina (mō tēnei wā noa iho).

Nō reira, kāti ake ēnei kōrero, āpiti hono tātai hono, rātau te hunga mate kua herea ki te taura hererua – rātau ki a rātau. Tātau te hunga ora e noho ake nei i roto i ngā pīkautanga o te wā tātau ki a tātau. Kua tae mai i roto i te hunga ora, Bentham, a Te Panekiretanga. Kua tae mai te kanohi o Te Kōhanga reo ngā kaupapa i whāia ai e tō koutou matua i tautokongia ai e tō koutou matua.

Nā reira, kāti ake i tēnei wā tēnā koutou, tēnā koutou, tēnā tātau katoa.

PĀTAI TUATAHI

- (a) Whakautua ngā patai nei. He aha te tikanga o ēnei kōrero e ai ki te horopaki kua whakatakotohia e Te Wharehūia, ā, whakamāramahia mai te ito me te kōtuituinga o ōna whakaaro.

1. “Ngā kāwai ariki kua tae mai nei ki te whare kāhui ariki ...”

Tuatahi ake ko ngā kāwai ariki e kōrerohia e Te Wharehūia ko ngā rangatira kua karapinepine ~~mai~~ ki te hui rā. He mea whakamāna tēnei i te tangata, i ngā tangata mā te whakamā i o rātou tupuna, i o rātou ariki. Ka rua ko te whare kāhui ariki, ko te marae, ko te whare e hui ana ngā ariki. E taunaki ana a Te Wharehūia i tōna ~~ko~~ kōrero tuatahi, mā te whakamā i te kupu whakawāte, huaūataū hei. Ko te tangihanga he hui whai mana, ā, e whakamā ana Te Wharehūia i ngā rangatira o te kaupapa ano hoki. Ngā kāwai ariki kua tae mai nei ki te whare kāhui ariki, koutou ngā rangatira kua karapinepine mai nei, tēnā rā koutou katoa. //

2. “E whakateurunga te moenga te whāriki huaranga tonu atu ki Rūāmoa, aku tīpuna e kiia mai nei, he tūtūa, he tautauhea, he moenga raukawakawa.”

He mea whakawāte tēnei i ngā mihi ki te hunga mate kia pai ai tā Te Wharehūia tahiūi atu ki te puku o tōna kōrero. E whakaaro ana ahau ki te whakatau o tōku marae, “Haere mai ki au ki Te Papa-o-rohu. Ki te au tē vena, ki te urunga tē takea, ki te moenga tē whakawāte.” E kōrero ana tēnei whakatauki mo te hoki ngā mai o te tangata, o te wairua ki tōna marae i te wā kua mate ia, kia tau ai tōna wairua ki tōna mana whenua. Ki au nei e pērā hoki te hikanga o te kōrero e iri mai ana. He mea whakawāte, engari he mea whakatau hoki i te wairua. //

3. "... ko koe te waka whakarei kua pae ki uta ..."

~~E ai ki ētahi tikanga waka taua, ka whakar~~
 Ko te waka whakarei, he waka whai mana, he waka
 rangahia. ~~E kī ki~~ ana a Te Wharehūia ko
 Te Rere Amoamo te waka kua tae ki uta, ki te
 pae o te rangi. He ~~mea~~ mea poroporoāki te
 whakamahi i te huahua taua ki te whaka kōrero i
 te wehenga o te ~~wairua~~, o te tangata ki te
 ao wairua. //

4. "Te kōtuku noho awa kua rere, te hai māpuna kua riro titapu ..."

Kua rere atu a Te Rere Amoamo me he kōtuku
 noho awa e rēvere atu ana ki te ao wairua, ki
 ngā ringa o Hinenui-te-po. He hai māpuna ia
 kua riro titapu. He mihi poroporoāki hoki ~~te~~ ēnei
 huahua taua ki a Te Rere Amoamo. Ko te
~~mea~~ whakamahi i te huahua taua ki poroporoāki
 i te tangata mate he mea whakanui he mea
 whakaātaahua i ētahi āhuatanga pōuri. //

5. "Koinei, anake te whare wānanga e whakatutukihia ai e koe i roto i te anu, i te mātaotao."

Ko te whare wānanga e kōrerohia e Te Wharehūia ko te whare e takoto ana a Te Rere Amoamo. Inaianei ka woho noa ia ki tēnei whare wānanga, ko tēnei te whare wānanga whakamutunga wōnei. Ka whakatutukihia ai e ia te whare hei engari ka woho ki waho i te anu, i te mātaotao i te pouri-tanga o te po ano hoki. //

6. "... Te Rere Amoamo, kua riuā koe i te au o oti atu ..."

E whakawāhi ana a Te Wharehūia i te kapu oti, ~~he~~ E ai ki a ia ko Te Rere Amoamo tērā ka riu atu ki te au o oti atu. //

7. "... tō mate he mate whakaiwikore tangata."

E kōrero ana a Te Wharehuria mo te tangata
whakaiwikore, nā tōna mate. E kōrero ana tēnei
mo te hokinga mai o tētahi ki tōna iwi i te
wā o te tangihanga. //

8. "Koia ngā āhuatanga ka pā mai ki te motu nei i tēnei wā, koinei e kite ake nei tātau katoa, ka tere rāoa, ka tere pīpī whakaō te motu ki runga i te tangata nei."

E kōrero ana a Te Wharehuria ki te motu i tēnei
wā. E kōrero-hia ana e ia ka āhuatanga ka whai
mai i te hinga o te rangatira. E kōrero ana ia mo te
huhuringa o te motu ki runga i tēnei tangata nā
tōna mana ēnei ~~te~~ tangata i kawe mai. Ka kaea
e tētahi te whakamahi i tēnei kōrero ki kōrero
mo te hinga o te iwi ki te tangihanga o tētahi
rangatira. //

9. "... ko te ata o te piri tēnei i haere mai i te anu mātao ^{hei} hahau i te tangata ..."

~~Ko Te Wharehuia tērā i tae atu i te anu mātao hei hahau i te tangata a Te Kere Amoamo~~

Anei e kōrerohia nei ngā mate tūāhini o tērā marena, o tēnā iwi. E himata ana a Te Wharehuia ki te poroporoāki i ngā mate, o tēnā, o tēnei. E tahi atu ia ki te ~~whakawhanga~~ o te whakamui i te whānau piri e noho mai rā. //

- (e) Tēnā, whakamāramahia mai ki ōu ake whakaaro he aha a Te Wharehuia i whakatakoto mai i ngā whakapapa o te tūpāpaku, he aha ōna tikanga, ā, otirā he aha tāna i whakarite ai?

I whakatahi whakapapa a Te Wharehuia nā tōna hiāhia ki te whakamana i te tūpāpaku me ōna tipuna.

I pēnei ia i te mea i huna te tūpāpaku nei i tēnei ingoa mātā māori. ~~ki tōna~~ No reira kei te Te Wharehuia he whakamui i te kōrerohia o tēnei tangata ki a noho tau ia ki te kōrerohia o ōna tipuna. Kāore a Te Kere Amoamo i tino mohio ki te whakapapa i kōrerohia e Te Wharehuia, ā, i whakatahi whakapapa ki ~~te~~ tino mohio a Te Kere Amoamo, no hea ia, ko wai ōna tipuna me ētā atu āhuatanga. He mea whakatau waiuia tēnei. Ko ngā whakaaro a Te Wharehuia he mea piri tēnei. //

TŪMAHI TUARUA: HE TUHITUHI

NGĀ TOHUTOHU

Tīpakohia mai kia KOTAHI te kaupapa hei tuhinga ōkawa māu, ā, tuhia mai ōu ake whakaaro e pā ana ki taua kaupapa. **Kaua e iti iho i te 500 kupu.**

Whāia ko ngā āhuatanga tuhituhi nei:

- te kōtuitui i te kaupapa mā te whakatakoto i te upoko, i te tinana me te whakakao i ō kōrero
- te ngako, te matū o te kōrero
- te whakawhānui me te whakahāngai atu hoki i ōu ake whakaaro
- kia kaha ki te arohaehae, ki te whakapuaki whakaaro
- te whakauru mai i ngā whakataukī, i ngā kīwaha, i ngā rārangi waiata, haka rānei e hāngai ana ki tō kaupapa hei whakanikoniko i tāu tuhinga roa
- kia auaha te rautaki, kia Māori te wairua.

NGĀ KAUPAPA (Tīpakohia TĒTAHI o ēnei)

1. Ko te wai te toto o te whenua, ko te whenua te toto o te tangata.
2. He tika te whakahuahua i tō pepeha, pēnā kāore anō koe kia tae ā tinana atu ki ērā wāhi?
3. He taiao, he ahurea. He ahurea, he taiao.

"Pouwhenua kōrero"

K1

Atua (nga wā o nga
atua)
~~Kāore ratou~~
Ki te kore ko
ratou ka
kore ko mātou

K2

Nga wā o nga
hipuna
- Mārama ki a rātou
te motuhaketanga
o te whenua

K3

1 ēnei rā
- Whakamate tikanga
- Whenua

Tuhia tāu tuhinga ōkawa ki konei.

Ko te kaupapa: 1

Kāti rā mā tāku pouwhenua ^{tēnei} ~~ahau~~ te kaupapa e kawe
kia mārama pūrangiaho ngā pitopito kōrero ōku, ngā
whakaaro ōku. ~~Te~~ Tuatahi ake me timata ki te
whakarehu ^{whakarehu} o tāku pouwhenua kei ^{a ia} ~~āia~~ te mana o ngā
Atua, te mātauranga o ngā ariki. Ki tēnei taha o
tāku pouwhenua ahau kua wetewete i ngā āhuatanga
o te kore, i ngā āhuatanga o te orokohanga mai o te
ao. ~~Ka~~ Ka tahiriri ahau ki ~~te~~ te mahana o tāku
pouwhenua. Kei a ia te mana o ngā hipuna, te
aroha o mātou hipuna ki te whenua e takahi ana
e mātou. A, kei te ake o tāku pouwhenua ngā
āhuatanga o ēnei rā, me te pohete o tātou, he
mana nui ake tō tātou i te whenua, i a
Papa-tuanuku ano hoki. Hei whakatekapi ake kua
whakawhenua ahau i tāku pouwhenua ki te whenua
ki whai hononga ahau ki te whenua. //

Whakarehu - Te wā o ngā Atua: //

Ko tāku whakarehu tēnei he karu mate kite ōna hei
ārahi i ahau ki roto i te kaupapa nei, te wā o te
po, o te kore. Te wā o ngā atua. I te kore, ko Rangi.
~~ko~~ ko Papa, ko ngā tamaiti kei waenganui. I
mua i a rātou ko te kore, i mua i a mātou ko
rātou. I te wā o te orokohanga mai o te ao, i whakamana
tonu ngā atua i o rātou ~~ma~~ whaea, o rātou kōka, ā, //

i whaka-wehea e rātou i o rātou mātua ki a whai
 oranga te ao, ki puawai te ao i te kore. Ahakoa ~~ēnei~~
~~ahakoa~~ i whakawehe rātou i o rātou mātua i whakautē tonu
 rātou i o rātou mātua. Ka noho tahi a Tāne ki tōna
 whaea ki a korowaitia i a ia ki tōna, te rau o Tāne. Ka
 noho a Tangaroa hei kaitiaki i tōna kōka ki a puawai tonu
 ia nā te wāi o Tangaroa. Ko Rūaumoko ka noho tonu ki
 roto i tōna whaea, engari e wōhio ōna tuakana kowai
 ia. Ko Tū, ko Rongo ka noho i runga i tōna whaea
~~he~~ ki a whai kauwhanganui te ao. He māra kerake te
 kite e ngākaunui ana ēnei tāne, ēnei atua ki o
 rātou mātua, i te mea mei kore ko ~~Papa~~ Papa, ka
 kore ko rātou. //

Manawa - Te wā o ngā tipuna //

Ka mokowhiti atu ki te manawa o te pouwhenua nei. Ki
 konei ahau wānanga i ngā āhuatanga o ngā hikanga
 o ngā o a mātou tipuna. I te taenga mai o ngā
 tipuna ki Aotearoa, i mua heoi, i mārama o mātou
 tipuna ki te motuhaketanga o te whenua me te peto
 o te wā o te tangata. He hikanga, he kawa, he karakia,
 he waiata ki te whakamānani i te whenua. I
 mārama o mātou tipuna ki te mana o te whenua,
 o Papa, ā, he kawa me whai ki a whakamānani i a ia
 me ōna tamariki. Ko o mātou tipuna te whakahirahira
 o te ingoa 'Kaitiaki', i whakamānani rātou ngā
 rauemi o Papa engari i whakahoki rātou i tētahi, i
 ētahi mea ki a ia ki noho ko te kauwhanganui. //

~~He whakakāwhiri o ngā tipuina ko~~

Ko te āhuatanga o te whenua i ngā rā ~~ā~~ muna he tauira whakakūitenga mātou. //

Ate - Enei rā //

Kua tae atu ahan ki te ate o tāku pouwhenua, ki konei ahan wetewete i ngā āhuatanga o ēnei rā. Ko te taha ate o te rākau whāwhai ~~ko~~ te taha pōa i te tātanga, ā, ko te hononga o te ate ki tēnei kaupapa kōrero, e pōa ana a ngāi tātanga i a Papa me te kore whakaaoro ki tōna mana, ki tōna motuhaketanga ano hoki. Kua ngarongaro haere ngā tikanga hoki i te whenua, ā, ehara i te mea ko ngāi pakeha ~~te mea~~ e anake te mea e whakavaru ana i a tātou. Ko ngāi māori me tōna kore whakapono, ko ngāi pakeha me ōna mihini whakavaru whenua, ko ngāi motokā, ko ngāi taraiwa wakea, ko ngāi reve - wakea reveranga, ko wai atu, ko wai atu. No mātou katoa hē. Engari ka taea e mātou te whakahika i ēnei tūkinotanga. Hoki atu ki o maunga whakahi kia purea ai koe i ngā hau o Tawhirimātea. Ka taea e mātou te whakahika i tēnei, i te mea ki te kore mātou e whakahika ka hinga tātou katoa. Ko te wai te toto o te whenua, ae, engari ko te whenua te toto o te tātanga. //

Hei whakawhenua i ōku whakaaro, mei kore ko Papa,
 ka kore ko mātou. No reira māori mā, whakamana
 i te whenua i mua i tōna whakaiti i a koe. Kia
 tūpato e mara mā ko te whenua te ~~i māka~~
 himatanga me te whakamutunga o te tangata. No reira
 himata i runga i te hika ki mutu i runga i te rangimarie.
 Ka waiho ake tōku pouwhenua ~~he~~ ki roto i te
 whenua hei waitohu i tōku whakapono ki a Papa. //

TE WĀHANGA TUARUA: WHAKARONGO – KŌRERO

E RUA ngā tūmahi mō tēnei wāhanga:

TŪMAHI TUATORU: He whakarongo:

He whakarongo ki tētahi tautohetohe, me te tuhi hoki i ngā whakaaro matua, i ngā kīwaha me ngā whakataukī, whakatauākī rānei hei āwhina i a koe i roto i te Tūmahi Tuawhā.

TŪMAHI TUAWHĀ: He kōrero:

(a) He whakaputa kōrero whakarāpopoto i te tautohetohe.

(e) He whakaputa kōrero e whakaae ana, e whakahē ana rānei i te kaupapa o te tautohetohe.

(i) He whakamahi i ngā kīwaha e RUA me TĒTAHI whakataukī, whakatauākī.

TŪMAHI TUATORU: He whakarongo – *Kia angitu*

He tautohetohe te āhua o te mahi whakarongo. E TORU ngā whakapāohotanga o te tautohetohe.

1. Whakarongo ki te tautohetohe.
2. I a koe e whakarongo ana, whakarārangihia ngā kaupapa matua ki roto i te mahere whakaaro.
3. Āta whakarongo ki ngā kīwaha i puta mai i te tautohetohe, ā, tīkina kia RUA e mārama ana ki a koe.
4. Āta whakarongo hoki ki ngā whakataukī, whakatauākī, ā, tīkina TĒTAHI e mārama ana ki a koe.
5. Kia mutu te whakapāohotanga tuatoru, ka wātea mai te 15 meneti hei whakarite i āu kōrero whakaputa.
6. **Mutu ana te whakarite kōrero, hoatu tāu pukapuka whakamātautau me ngā pepa whakarite tuhinga ki te kaiwhakamātautau.**

Nā reira, kia areare mai ōu taringa ki te kōrero o te tokorua, ko Kuiwai rāua ko Tiare.

Anei te kōrero: *Kia angitu.*

Kuiwai

Tiare

Whakaputa

Whakaputa

Me tū te rangatahi ki te whaikōrero. MAHERE WHAKAARO

Whakaaro matua

Taha whakaae Kuinai

- ~~Maroke, hia moe whakaiti manuhiri~~
- Whakahanu rangatahi - Te Motu
- Maro pae kōrero
- Tārua kōrero
- Te oranga o te reo, hikanga powhiri.
- Takahi hikanga kia ora

Pu te ruha

Whakatahi

- Kōpapa matua

Te tū a te rangatahi ki te whai
kōrero

Taha whakahē Tiave

W T

- Te hikanga, te hikanga
- Te reo / hikanga a-iwi
(tuakiri, ahurea)
- He rangatahi te rangatahi
- Wākeako / whakaputa mohio

Whakatanu

Whakaae

- Tārua kōrero / mahi whakaiti
manuhiri
- ~~Kāua~~

- Kua pu te ruha ka hao
ko te rangatahi, ki te kore ko inaianei
ināhe?

Ngā kiwaha (e RUA)

e ki e ki

auare ake

E mea ana koe

He kaikā.

Ngā whakataukī / whakatauākī (KOTAHI)

Kua puteruhe kua hao te
rangatahi

Me takahi hikanga kia ora ai a
hikanga

Kaka waha nui

Whakatahi.

K 1 - e ki, e ki

K 2 - auare ake

Wh 1 - Me takahi.

Whakakapi

~~Manuhiri~~

Ko te oranga o te reo te mea
nui

TŪMAHI TUAWHĀ: He kōrero – *Kia angitu*

Kia mutu te whakapāohotanga, ka hoatu te kaiwhakahaere he pepa māu ki te whakarite i tō kōrero.

Kia maumahara **15 meneti** noa iho kei a koe hei whakarite i ō mahi.

- (a) Ko tāu mahi he whakarite kōrero whakaputa, e whakarāpopoto ana i te tautohetohe.
- (e) Whakapuakina ōu ake whakaaro **e whakahē ana / e whakaae** ana rānei i te kaupapa o te tautohetohe nei.
- (i) Whakamāramahia te tikanga me te horopaki o ngā kīwaha e RUA i rāngona i te tautohetohe.
- (o) Whakamāramahia te tikanga me te horopaki o TĒTAHI whakataukī, whakatauākī, i rāngona i te tautohetohe.
- (u) **Kaua e roa ake i te RIMA meneti** mō tāu kōrero whakaputa.

Nā reira, kia kaha mai te:

- whakapuaki whakaaro whānui
- whakaraupapa tika i ō whakaaro
- whakaniko mā te kīwaha, whakataukī, whakatauākī, rangahau
- whakatakoto tika, otirā, whakahua tika i o kupu.

Mā te kaiwhakahaere koe e hari ki tētahi atu rūma, hei hopu i o kōrero. Kāore e āhei te hari pepa ki roto i tēnei rūma.

Tukuna tō reo kia rere, tō reo kia tika, tō reo kia Māori.

Te hopu i tō kōrero whakaputa

- (a) **E 5 meneti te roa o tō kōrero.** Ki te kore e oti katoa i roto i taua wā, ka whakamutua te hopu i tō reo i taua wā tonu.
- (e) Mutu ana tō whakamau i ōu kōrero ki te mīhini hopu kōrero, **me whakarongo koe ki tētahi wāhanga poto o taua kōrero kia mōhio mai koe nāu ake te reo kei runga.**
- (i) Me waitohu e koe te kōpae hei whakaatu nōu ake te ingoa kei runga.
- (o) Kua oti ngā mahi katoa.

He whārangi tāpiri tēnei hei whakaoti i ō whakautu mēnā e hiahiatia ana.
Āta tuhia te tau o te pātai.

TAU PĀTAI

Whakataki

~~Ae~~ me Kao

Ae

Kuiwai - Rangatahi & Whaikārevo

Kao

Tiave - Tikanga & mana a-iwi

Whakatau

Ae

1 Kiwaha - E ki e ki

2 Kiwaha - Auave ake


1 Whakatauki - Me takehi tikanga iia oia a tikanga

ov

2 Whakatauki - Ka puta te ruha, ka hao te rangatahi

He whārangi tāpiri tēnei hei whakaoti i ō whakautu mēnā e hiahiatia ana.
Āta tuhia te tau o te pātai.

TAU PĀTAI



He whārangi tāpiri tēnei hei whakaoti i ō whakautu mēnā e hiahiatia ana.
Āta tuhia te tau o te pātai.

TAU PĀTAI

He whārangi tāpiri tēnei hei whakaoti i ō whakautu mēnā e hiahiatia ana.
Āta tuhia te tau o te pātai.

TAU PĀTAI

93009